

集部

政定四庫全

鴻慶居士集卷十

詳校官石中九日 敏

主事日丟練覆勘

校對官編修臣徐立 總校官降調編修 巨倉 聖 陸 録 監 生 臣 張

脉

綱 琮

1 医神经性性炎 中国的国际中的 BEAR IN SECTION COURSE IN 1111 STATE THE STATE OF 山西村 日本の日本 CANAL STATE 热魔居士果 非惡之欲其死雖逢之人皆 如旦暮也今有人頓仆 心聲感發出于自然

者天下之至情固非所望于塗之人而求之于其所必 謂自古莽卓一夫之惡不能獨有所為必有不仁不義 事人人皆知遺社稷之憂而臣獨深惡其黨獨者益以 可接而出之然必叫號天地父母以延一旦斯須之命 入典两曹出分六郡而愚不自量疾惡太過自蔡京用 救故自政和以来五為京攸吳敏所逐鐫官機職 徒而肯達君親助成其惡然後一朝毒流天下而 也臣幼而讀書粗知忠孝之節服官二紀被遇三朝

不知懼淵聖皇帝深諒愚忠親降德音謂臣言蔡氏有 黨分布中外如李光者蔡氏餘黨尤為魁傑挾大臣 力 木植之錢誣臣自盜以饋送過客經文楮劄之属誣臣 **縉紳更唱选和相為首尾旗官傅致其罪以收買官船** 金銀出雜官米受百姓財物皆以萬計面設君父養 助鑿空造謗上疏論臣收受諸縣獻錢四萬貫盜軍期 報復之方會陛下捏臣知臨安府事而大臣悉名京 召自方州再司言責于是奉邪側目干歧萬轍思所 ī おきとなるとは

見祖宗之制笞杖至輕之罪尚慮有司觀望滅裂不得 其情故有錄問之法審錄之際翻異稱寬則移獄別 昭 臣于大辟贷死免決刺羈管象州嗟乎冤哉青天白石 證至于命官則史又加詳矣雖用臺諫論列監司舉 入己羅織傅會只用衆證遂以錢一千八百貫為名冏 '後事狀明白更無可疑尚復抵讕留繫不決始用 昭在上負天下之竟而不聽訴者三年于此矣臣伏 恐耳目之所寄風聞過聽必差官體驗覆按有寬然 推 釈

後隨所在置獄推治有三問有録問有審問有詳如此 , 罪隨所坐多寡抵罪行法自宋與百七十餘年與天下 至于受財治已名色若干追驗贓證悉上送官書押伏 所公共之法也至臣獨不然既非臺諫論列又非監司 吏急若星火日夜鍛鍊並不如章而承望風旨不容但 按發止因季光怨仇兩怒之言大臣佐佑其奸不得審 以同謀誣陷便用衆證臣待罪私家無一吏至門無 聚真偽直作臣僚言章送大理寺本寺追取簿捕逮官 鸡麦子士集

詞 贓 多分四月百十 蓮掠不堪其毒懼誣伏尚謂取臣伏辨必自有說追索 風 而 勘話不追脏證不取伏辨直行憲典同時連坐備當 八分遭巡尉發卒圍第闔門衛怖臣妻章氏積憂成疾 證必有所主不圖一旦便降商命臣家住常州 已朝廷遣三使臣連夜入蘇湖常三州起發州郡望 赴貶在刑部而大理寺行遣不已嗚呼以陛下之法 日而亡兄弟離散孤幼失所觀者傷嗟至于陨涕行 湖州朝廷又衛臣疾速前去所過州郡大理寺移文 身

張說是也如臣既非婚姻之故又無朋友之私深文 説者皆臺諫監司舉案贓罪之人或以大臣雅故止放 之時所宜大臣矯枉過正賞明罰當開公道以收復 体戚而已哉不惟如此與臣同時得罪如柳約錢稔張 路之人見臣相視驚嗟太息而不已者豈謂臣一身之 心名和氣以消彌天變而怙亂無稽報怨不忌所以道 償權臣之怒置一夫于死所固無不可况此天下多故 不問柳約錢稔是也或以大臣姻家已緊獄而復

人三日里 加加

鴻慶居士集

便中以奇禍此例已開他日復有強臣在位人人懼 自 散官安置而止殆今餘黨復張又通于京三免投流蓋 經聖覽一時之間高下其手欺罔聖德務快恩怨使陛 京擅政二十五年數起大獄誣害忠良益以百數不過 然從之熟為陛下宗廟社稷之衛乎臣聞人臣 臣始臣不足道也凡陛下左右侍從之臣觸牾權 綱紀文章大壞至于蕩然視臣之罪孰為輕重方祭 乃至于此陛下武詔宰執檢會臣與柳約等章疏少 得 禍 肯

くこうえ 坑阱之中豈惟愚臣獨受大賜亦足以紓天下憤懣 遇陛下進退大臣選用臺諫申列完溫公議已開及此 之得罪于權臣譬之鬼神為妖為崇終無已也今者伏 餘息尚存之時叫號天地父母一訴區區螻蟻之情而 于君父譬之天地也雖雷霆之下無不糜滅而雨露隨 原放還田里收墜已死者拊骨尚存者不終陷于溝瀆 不敢避鉄鉞之誅臣老矣豈有他望只乞聖慈終憐傷 憫臣久負大諺不容于臣枉之間洗滌讒誣許用赦 \. 1. 1.5 鹅慶居士集

鉄適其平則東心悦東心悦則可以勝敢去恭惟皇帝陛下好生 何 多プロントインで 惡殺視民如傷屢下明詔申勅獄吏常恐一夫獨于 察必以情忠之屬也可以一戰故三鼓之後齊師敢績 故能九合諸侯一匡天下曹劌亦曰小大之獄雖不能 平之氣少革摩黨報復眦睚之風臣無任 者罰惡當其罪則國人服國人服則可以圖霸矣折 聞管氏相齊奪伯氏駢邑三百飯疏食沒齒無怨言

辜而大臣怕亂籍公報仇思一快于刀剑笞篷之間帝 閣 光者觀望風古上疏論臣盗取官錢四萬貫并激賞金 罷臨安府事之後適會新宰相用事有祭京死黨有李 銀以萬計又受所部人財物皆有主名大臣挾怨欣然 以萬 納其言欺罔宸聰作言章行下直送大理寺產萬紛然 / 喧朝聴臣亦駭懼不知所為竊自思念盗取金銀錢 九重如在天上沉冤無告號顧不聞甚可痛也臣順 計必有華致匿藏之所受所部民財必有傳送付 ?. Li 均愛医士集

金少正人人 彈 受之人有司驗治追索驗證顧타私家了無一 陷械擊獄百餘人鍛鍊百餘日不遣一吏扣臣之門亦 謂無事夫何大理寺官吏朝詣都堂暮造私第共謀 仇復怨憎亦須並縁疑以誑惑上下豈取鑿空中復善 羁管象州下蘇湖常三州起發巡尉數華發卒圍第 况今日艱難多故之時不應更甚于前以故偃然自 文謂何又念蔡京擅政于崇寧大觀之間屢起大微 辭問臣之罪忽降商坐贓一千八百貴貸死免決 物所有 誣

奸 陛 用 矢口 取 有天地鬼神之臨不知有賢士大夫議其後舞文 植档劄經文之屬計直為錢一千八百贯嗟乎冤哉 欺天陷人至于此方的狱之作也價臣有一 罔成情縱聲妄作不知有君父不 伏辨直行憲典赴貶千餘里方知所坐何以名為法 獄官傅會之文折取價值何以名為贓不經審録 迫上道徒步出門行次衛州偶見朝報所坐乃金銀 下之法安在也盗金受財既有名色不取于臣所止 馬夫 三 いま 知有祖宗之法

分近四年全書 統于私索推治有實必付吏大索暴陳于朝為終身不 決獄之後名在刑部矣而大理寺移文州縣惟赴貶 **伏罪永無號天訴地之所豈肯不取狀獄三免投荒而** 錢苟可以誣陷于大譴大訶之中必捕建繋獄使叩頭 罪已来交親問遗之書士大夫慰勉之言時聴浮屠老 不已典章為然更相破壞以此揆之完濫極矣故臣被 可磨滅之罪豈肯違法不索贓證但追一十八百黄價 且除籍為民不齒于給紳矣方被受堂衙付臣超行 所

子空幻之說與夫道路田野咨嗟太息之解皆謂此身 國以此占之公議亦稍中矣臣蒙垢累年頓仆道路 之臣相繼罷免一時造言起獄納溝下石之流悉已去 京用事是窮凶極惡集大亂之成遗禍社稷殆不可救 未死亡終見天日所可惜者大臣舉措乃如此也皆祭 以自快豈明主所望于除殘救變之時今者側聞用事 不謂後之君子踵亂亡之轍出新意以作俑仇一夫 落世網是非祭辱毀譽得喪自有定命固不可逃但 17.... 1.1. 鸡葵居上作

多分四万月一 敗逢地萬事五裂妻死家破暴露溝壑幼稚呱呱不能 自 君霸而已二帝遂府中原陷沒除苛解妖收服聚心以 開示大公皆措明主于三代之隆豈直管仲之流以其 微 自有亦足以償仇怒之怨矣兩遇大赦雖蟲魚草木之 聖心念臣當聚人皆欲殺之時而白通國稱不孝之 避萬死獻書在所冒昧自陳伏望陛下灼見冤狀斷 國于萬里之外豈止曹劇一戰之功而已臣愚所以 可以散除更于始矣朝廷清明泉賢趣為賞善罰惡

者退伏田里以盡餘齒上廣陛下欽刑慎罰之仁一申 獨受大賜 更論即墨之封一洗無辜縱臣自便歸葬死者存育生 之詔書而獨得上官禁之詐齊威王聞左右之毀言而 罪博駕履之不售傷畫地之不入庶幾漢昭帝覽熟國 シュラー 文巧武之禍少舒天下憤懑不平之氣豈惟愚臣 天下公共之法消弭大臣復報毗睚之風稍懲獄吏竒 1.11 鴻慶居士集

多岁四月月日 負天下之大謗蒙垢二紀暧昧不明亦足以繫公道之 **苟賤無恥盗取公私一** 被 臣聞人臣之罪莫大于贓汙天下所惡其過于貪吏臣 除不附己者臣懼稱疾請官祠罷去猶不厭其意忽有 為證無 言章誣奏職罪遂起大獄鍛鍊彌時私家無一物可 開塞臣紹與初紫恩守臨安纔數月而新宰相用事稍 遇三朝叨塵两禁而名在贓吏之籍有如孤負天恩 吏持片紙扣門問所當之罪獄吏觀望勢 錢則死有餘罪若其橫被讒誣 取

容已但朝請都堂暮造私第輒用衆證傅致深文中以 ここうこ 數萬計制徵初與追捕紛然急如星火妻好怖駭方食 言論臣盗激賞庫金銀錢以數萬計受百姓財物亦以 實而後取古置勘而意在中傷直送大理寺一疏干餘 相 危法論為城旦三免投荒幾不保首領父之二三大臣 臣寮言章行出臣寮言事雖許風聞盡付有司體量得 非臺諫又非諫司按察之官挾大臣之助職論奏作 繼罷免臣始具奏投風馳訴以謂吏部侍郎李光氏 \. t 鴻楚居士集

直若干計職結罪却乃追索價錢為脏出于何典命官 聲之流壽張為幻鑿空造大羣嘲聚 即作聲勢如臣 憂矣身為太守有積俸十餘月尚恐官屬援以為例 集之屬為臣自盜既云自盜亦合就臣所追取有司估 私索果有鉢兩尺寸之藏必移文州縣發吏追索暴之 敢支請乃取非其有而為盜耶俸歷今在可考也然吹 失節卧不著席不知所為臣徐諭之曰視吾橐中可免 于朝以為口實乃用公庫餛送過客楮劄楞伽經東坡

意正為此也所謂衆證多緣私移獄或負冤稱屈或誠 讕 此 理寺何名輒用衆證為非大臣朋此欺天陷人 亦 頤治中子烝庶弟之母捕速樂後懼罪伴瘖不肯置對 犯法自一 責命既下割送蘇湖常三州巡尉四五輩将吏卒百 然尚復謹調遷延歲月以圖幸免則用衆證近時 避罪近移他州遠移别路差擇官吏恭驗考核罪 用衆證如臣所坐木當移獄別推未常託疾避罪) ! 問至三問録問又有審問祖宗立法防附之 烏鹿る七果 至于

眦破壞 餘 多少四個有言 骨矣未幾故相復用權震中外每聞德受無根報復 宿 疾六日而亡八歲之女遂失怙恃疾病弭年亦隕其命 動 詞籲天請命一 家門破壞兄弟散離為世大修可謂極矣于是泣血書 人直入臣家如捕逃亡惟逼上路臣妻章氏驚悸感 田里被蒙沛宥稍復官資天慈再造可謂生死而 夫失所之懷奏章朝聞記音夕下許從臣自便 臣春之家則終日凛然如負霜雪潛深伏與 塵唇覺洞照肝胆哀憐三朝簪履之舊 歸 肉

とこり 声 かきう 息交絕遊塊坐一室形影相弔當懼不免豈復更有他 治當是時權貴人連內外諸怨為惡言傾修銳甚天下 望恭惟皇帝陸下盛德天縱聖學日新聽斷之暇手寫 以言事切直為權貴人所然因其孤甥女子有微誣以 魏隋唐千有餘年幾夫小人得志欺天忠臣孝子抱恨 奸利仁宗皇帝使三司户部判官蘇安世與中貴人雜 經傳熊文範畫刻之金石益數十萬自三代秦漢至晉 地何可勝數固自得之聖心馬臣問慶應中歐陽修 鴻慶居士作

袓 韓琦明銀三百两不受而販私鹽蘇木入蜀光對曰責 耳仁宗大悟歐陽修等皆無恙熙寧中蘇軾議新法害 洶洶必修不能自脱安世卒白上曰修無罪言者誣之 石 人當察其情載舊賣之利豈能及所贈之銀乎乃王安 件王安石會司馬光以諫官為戦神宗皇帝曰載丁憂 侍臣 宗如臣么麼豈敢望前輩先達方幾夫並進之時有 以親家謝景温為應大攻之耳神宗亦悟陛下英類 如司馬光必能為臣開陳感悟聖聽的微暴與

罪 筆氧剛獨斷大吏奉行點嵬瑣進忠良消弭告計之風 命如此窮則呼天固其所也令者伏遇陛下躬揽威福 有本末更化之初公道大開籍令不幸溘先朝露未朽 屏除苛刻之吏追選禁錮不齒之囚洗滌暗昧無辜之 之時有一獄官如蘇安世必不以衆證陷臣于大罪簿 被其澤矣念臣常事陛下于艱難之際區區心迹 生者甄叙官爵死者錄用子孫大釣播物草木縣魚 柄朝聽羣臣之議夜覽四方之奏或降玉音或御宸 明慶 牙士集

金分四、四月世 寬大而臣尚経深文激三江之水以沃焦枯而臣猶 耳目昏塞豈堪復為世用弟見陛下開三面之網以崇 萬卉之春沉舟閱干帆之過念非理主誰復記憐比見 之骨猶有望于益惟今雖癃老尚視息于世間病木觀 遭罹羅織紫被垢汙獨為天下無告之窮民所以不避 大臣以喪歸輦所藏金過于郿塢臣初無一絲之挂而 涸縣况紫曆照以灼見好罔于被罪之初哀窮悼屈方 斧鉞之誅引吃一鳴不能自己然臣老且病矣髮齒飲壞 7 卷十

就昭雪而舊相當國莫敢攫其鋒積二十年名迹湮淪 亦無為臣言者伏望聖慈念一夫之不獲俾預諸臣起 感動萬一干犯天威伙俟重誅 是裁書之日三沐三薰南面再拜庶幾螻蟻區區之誠 聊舊學廢忘詞句儇淺不能占叙中心之所欲言者惟 廢之例改正罪犯除落刑部囚籍及此餘年得與草木 同其榮麋鹿同其養亦不虛為太平人矣臣所憂患 無 くこうこ 與万俟參改書 1.11 鶴慶居士集

而 當 喪妻喪女存沒狼狼自宋與以来臣容被罪亦未如其 罪于秦公一至于此紹與初載其罷臨安府已數月吏 部侍郎李光同謀中傷誣奏贓罪遂起大旗旗吏觀望 某傾者學省獲奉周旋才疎計批輕犯聚慍初不謂得 鍛鍊逾時治贓而家私無一物可追以價錢為赃結罪 是時公論翁然傷也悼屈侍從官二十餘人相率造 甚者也久之二相相繼罷去某始敢上書叩關投訴 公案無一 字書押以衆證為罪罪至大辟三免投荒

守入為極輔已而復相其追懲往咎吹虀救過杜門 貸歸宿田里稍復官資又過所望未幾秦公自臨安留 迹不交人事間遇醉人推為輕游子揶揄則好言辭謝 堂乞開陳如章許令自便選葬死者存附生者旋蒙恩 笑幸遇參政得君行道之時開闢公道崇尚寬簡如某 推表時學校實無他腸而狂躁蠢拙自觸禍機祇可憫 惟懼一失其意則撰造無稽逢彼之怒又陷于不測窮 至是亦可憐也今有參政東釣為天下公議之主自 移見る上長 t

腐 **禹而獨不知味是宜大君子隐然動心馬家蒙垢三十** 輩始知有生之樂矣然滿堂飲酒而一夫向隅終日 舒好四月至重 **慎豈惟** 恵衰晚造膝之際一言敷奏俾從諸公近例除落罪 降 六年竄伏田里舉朝無識面名迹湮淪殆將與草木同 復齒平民雖投老殘年無復榮望尚冀洗無辜少據冤 非參政尚能望即其被罪本末已具章流奏陳如蒙 經省號伏望既以與慈哀憫餘生久負大務 身受賜而四方觀聽亦足以占公議之申

-奇命海轉喉觸諱自建炎以來奸諂成風開口動筆喜 胃威尊汗流至踵 事者便醖釀以為譏謗方某守臨安秦丞相已參政事 其側聆除音雀躍起舞不知展齒之折也朝幸恃平素 日之素屬者聖主尊用老成參政入侍講惟進登政路 某去國三十年一時丞輔侍從之賢往往知名而無 故事贊門牆之喜已成復毀至于再三重念某數 ۲٠ ۲۰ ۲۰ 鴻慶居士集 1

名愠 金グロス 盛 干瀆小禮左右追少此哉他日進謝亦晚也故止 之誇竊鉄之樵又成大谷恭惟參改以天下為度區區 皆百端守武不肯見恕以素不悦之心而輔以教 **德庶幾解顏一笑而風俗之壞逼人于險以為進** 殿茂 抒下情倘紫釣慈矜憐舊物久辱泥塗拔之溝壑之 怒大臣得位而中外給神修書為禮道古今而譽 啟省問寒温致州郡進賀之禮而襲口媒孽 一言足矣 用 取 劄 小ス

欲上書扣閣競競馬追訟故怨則不免瀆亂君父之聽 丞相 覆載之下無一夫不被其澤矣如某者負天下之大諺 收追及故侯下及泉壤亦紫襄贈朽骨再內湖灰復然 某名挂罪籍人為天下之棄民代遇聖曆躬攬庶政親 敗塗地二十六年謂當實恨以死矣例聆其官者 有刮垢滌瑕嘘枯吹生之意幸甚過望不可言也念 開示大公以幸天下召還逐客遠至嶺海皆被甄 與宰執書 **兜受る士集** ナヒ

我历巴石石電 報 于變中起涎額之駒子概下除落罪籍復齒平民雖齊 官持恩為天下之平終此大惠發一重言出焦桐之本 衰老餘生進辰千載泯默不言又無以副廟堂全度之 力已短無以酬弱桑之恩而精誠未法尚堪圖結草之 恩踌蹰不決遂至淹時不能自己于是齊沐裁書投風 上奏而廢學已久言詞淺訥不足以感激上聽代遇某 與侍御書 卷十

更 ここうき 欽之法落職官觀平雜常平者出于漢魏非安石所建 某靖康初待罪侍御史言狂計批輕犯聚愠故任中 龍圖閣學士守平江言者以某當建言王安石常平聚 舍人日當國者誣以偽官責受副團歸州安置其後以 被說得罪死于刀鋸鼎鎖者則欣然以得此生為幸時 子弟之有官者追懲既往不復求仕尋遇郊祀私奉議 有感寓作詩自娛無怨懟一詞旋蒙恩貸歸宿田里錐 狂不知止輕近禍門自守無所怨尤每讀書傳見皆人 .: L! 鴻變居士集

金グロると言 曾支請夏秋二稅先期輸之間遇郡守監司追索積欠 郎二十二年矣自以寵禄過分遂投災患俸錢布稍不 **银侍御常守蘇常家在京口區區聲迹固已知聞如使** 夫之貧者交篟委作墓誌行狀凡數十家不受一金之 舍弟同居四十年兒姪男女十四人所通婚姻守士大 胡思徐林芳以經界被罪不敢陳訴自永感後與孀嫂 路增当百餘石鄰田高下一等改作陸田不納升斗時 獨無一金之負有沙因數十項經界時於吏受憐田之

况屬無辜盡出獄吏承望風古以無為有不于公得君 行道之時真一言昭雪則知来日之無及也 其果犯重譴二紀之餘闔門自屏悔過自訟宜在赦除

人口可 公丁

鴻慶居士果

金月巴居自書 鴻慶居士集卷十 卷十

替喜無何觸罪罷去攜孥累竄伏三吳大澤中不敢復 欽定四庫全書 以姓名通于執事大人之門亂定親舊移書訪問生死 Cally and Antaly 某去年承乏平江側聆相公召歸中書候司造朝赴書 書 鴻慶居士集卷十一 與范丞相書 鴻趣居上集 宋 滌觀 族

沱 拯 枝 教 溺 不 然 襲 常 祖 故 以 亂 教 亂 天 下 紛 紛 何 時 然不適于用其流至於靖康建炎極矣救今日之亂且 所聞庶幾區區十一之應書成復毀至于三四卒不獲 傳聞相公進位大丞相不覺欣然拊髀而起退藏書誦 終而賈謹輩以言章擴斥于清流之外激怒好雄蹈白 置元豐元祐勿論宜度時之所宜為者急起而超之 已顧劾其愚其竊觀崇寧以來士大夫徇名失實皆枵 也 四裔侵暴奉盗相挺起所宜尊寵戰士以勃命 如如 あ

甚而改天長江陰為軍尤為無理兩州疏失兩縣租 常州小郡安撫司使臣至百餘輩官亂民貧財宣和為 置使防遏人置使用帶鈴轄又無安撫平江又無置制 遠害之謀則財計之臣惴惴然恐以乏軍與得罪而 馬之復報時危多故賢者避世所宜激賞忠義共立于 宗以不鋑通鑑書板罷轉運使何其緩而不切也防 三朝而詹又以恬退蒙詔與進學士以固士大夫全 两縣又紛然建立官吏名募使令拾聚禄廪 門をおせる 身

分为四百百百 壞重斬伐邱墓以淑樓櫓掘地陷馬編木為大後率米 為粮斂錢搞軍掊取繒吊為袍襖之屬儿戰守之備 嚴防城之具盡録公私財木以為戰艦毀嚴盧舎以廣 某去秋寄居湖上居蘇常雨郡之問外調防江之夫內 前二守之勤勞兩縣之備樂弟以上應詔旨下以敖 公使獨任一 無遺而民力亦盡大盗入境将吏望風委之而去 人故其人之死者十九夫京師大原天下之金城 州供億之責訴求百出民不堪命此何也 卷十一

敗可以為鑒而劉光世防江之師又至矣沒名亡實其 皆防江大兵塗炭一路積七八月而後定防江本以備 大廷摩上之言諫垣論刺宰相之疏天下傳誦以為口 敵也敵欲至則潰散而為盜敵去又招安為兵既往之 而在官者人恐以無所為而得各故寧大壞至此也敵 禍至此可不悲哉恭惟其官盛德威望尊騙三朝他日 也尚不能守胡不明示邦人徒避之計以全其肝腦 入蘇常不淌二十日而成方郭吉劉遠張威武之流 馬を子上は

金り四点自言 其誅而人循以為冤皆此輩之一患也建炎以来宰相 和鼓感犀小激怒軍士馴至錢塘伏闕之變比苗劉伏 徒上書圖進取者所在如市狂誕不根往往報聞則祖 然今徇名之大患有二二患未去則四裔指狂雄遊推 實今以天下宰居其位行其言必有以大慰斯民之至 誹君父謗罵大臣以逞其不肖之心興就造私更唱选 康之初大臣樹黨棄捐官爵如用泥土而安言無行之 社稷危亡之憂生民塗炭之禍未易以歲月定也靖

· 因功之罪攻而去之矣是其言果出于正邪此賣直釣 誤朝之譴然則奈何顧秦之亡也劉項相拒于榮陽京 弟行臺諫風古今日行某事言而罷之明日用某人言 索之間天下之士不歸漢則歸楚高帝納用羣策錐麾 名于時而陰欲追其所厚善者爾二患也去此二患必 而默之凡所施置曾不得一舉手俄而邊遽上聞則又 下騎士亦時時審問邑中賢豪至于駕取奉臣則踞床 以飾非拒諫負天下之謗二患未除則羣言亂政必致

多穴四样全書 洗足滔冠騎項所謂盛服先生諫節之臣亦嫚侮而 將帥言者必曰寄食于漂母無資身之策受辱胯下無 **膚手足不期而自至故能壓秦誅楚以成帝王之勲彼** 排題于臥內附耳而談躡足而悟如疾痛疴痒切于肌 其伏青蒲冠獬豸説読欲陳説詩書上章雜譯以應故 信越爪牙之用一身之勢合而無問或借箸于食前或 信何者謀議之臣内有良平腹心之親將帥之臣外有 事固高帝之所大属而不信也令朝廷得一韓信以為 巻ナノ 敗之幾依違固避以尚歲月主上一旦赫然責宰相以 盗嫂反覆亂臣今拜為下臣護軍而諸將盡譁則必點 無人之勇今拜為大將而一軍皆驚則必點之矣又得 扶顛持危之劾而公車北闕之章白簡早囊之封又隨 之矣陳平韓信之賢沒世不可得幸而得之必不為用 而至矣為相公之計當以身任天下之謗訓革去淫名 用諸生則不能關而尾生孝己知行又亡益于存亡成 一陳平以為謀臣言者必曰事魏不容事楚亡去受金 1. Li-鬼を見る七次

金好四月石言 其 管仲凡迂濶難行之論謬愆無稽之談不得一言入于 某事造膝開陳勿疑勿貳如勾踐之信種蟊齊候之信 文具之害政深究天下治亂之實今日用某人明日行 他 某伙審某它登進臺司無總將相得君得位千載一時 止無自辱馬其更有深于此者而不敢言也 問庶幾有立于天下而大慰民望然去就有義不可 日西坦所聞異夢天人之其若合符節私心喜慰宜 卷十一,

倍萬干常情故率意之所欲言獻于下執事區區之意 踩乃與罪人同為一律平生所向脈值牆屋殆類此也 謂宜綜練名實收拭尤累廣收用材以佐中興庶幾大 誨飾辭義卓然禮義有加于平日伏讀三四則又大過 夫相公高情大度察之食片暴背之意不厭其狂手枉 之恨然悟笑執事位宰相不遠千里遺書獻言意廣才 有為于天下書上彌月忽有人傳示李陵得罪一章讀 所望某志節衰落避讒畏譏茹虀而吹見月而喘不堪 鴻題居士集

相 宗力戰而免本州已保奏上之朝廷未家推恩其守家 甚 為當世用美獨有見弟得一官尚欲試吏輒以手足之 為盜士宗躬率士兵乗船戰于大風浪中鏖擊遂捷是 故胃膏釣聽陶鑄一諸司官屬于二剂問過紫矜許幸 , 岘近從鎮江劉帥之辟以長與縣丞薦于朝二者惟 上和馬跡山巡檢鄧士宗今春兩遇潰兵據山就粮 知州事儲錢糧數萬率合郡官屬退保此山皆賴士 公審處其一成就之為私門之寵復有一事顛侍恩

勃克匹丹生丰

絕榮望伏遇相公不遺窮陋誤思起廢開廣上聽于三 避 復從班奉記妹然已過所望重動使介貶損酶節思言 某賊命奇窮遭雅兵亂遂為天下之罪人念舊屏居已 僭率上清成重伏望早賜檢會施行皇恐不宣 上親睹两戰之捷亦是當時發全一人之數所以不 語衰病增光爾以罪戾之餘何以上副委曲保全始 投行之疑力排聲言于十夫挠推之手推居方面還 務要医士集

多好四月月月 具奏懸辭而衰懦又畏程督之嚴不敢家居待命即 大盜冰消火燎殆非節厨傳稱過使客之時平江之敗 終録用之意竊惟餘杭重地東接會稽走集之路三經 哀憐加惠且今依舊宫觀少俟聚怒稍平然後出從驅 其蒙恩復侍從權領大邦過疎批不堪憂寄之重亦再 策底幾區區有以自勃俯伏俟命流汗至踵不宣 覆東遠養真妄發馴致紛紛必又上勤典憲伙望相公 四

皆不復有以官寺府庫倉廪酒税更無尺椽片瓦邱據 凡朝廷寬假守臣之權宜一時燒殘不盡之餘力至某 聽竊見臨安大盗之後實乃一年四更守帥經理殘壞 奉詔奔走赴官侧聆踰自尚閱俞音敢布腹心上瀆釣 為退保之圖皆茅竹為之不可移用清和坊歲計酒百 如故獨有城上於蘇數千為守禦之備而城身推壞者 餘萬今未及二十萬猶未有蒸煮者而鈴輔司使臣冗 三百餘丈方揭榜禁止往来又于於潛縣築屋二千間

とくこう ラ から

1

鴻慶居士集

不敢一 望之人傷然不顧然怨以漸罷行庶幾上副使今之意 敢為之心而百獎紛然不忍坐視必又妄作輕 食者六十餘 某 陷 起于罷藉方蒙恩省人微資淺践路無嫌與其不 加惠陶鑄 否自致顛降不若通慢獲遣自我別散伏望相公哀 不測之罪反獲思之只合引去改用賢才與有 具陳某屢遭幾斥志節衰落無復激昂自奮 官觀差遣不勝懸禱之至 如此類理合詳具恐涉論說長短之各 犯衆然 量 重

金ダビ

2 而後引去臨安府守臣著令得奏羣文武官一員某到 任後准今辟毛汝能添差兵馬監押奏劄具在可覆按 敢未幾親容移書與道路所聞皆合然後知傅者不妄 子毅欲用其闕某笑而答曰此鎮撫使所為也則吾宜 除與吏部差注之官皆拒而不納又以無罪逐都監 某人品果微切居大府不協人望自然如此固當 有容過郡傳行在士大夫難言某到官已来凡朝廷堂 與政府乞宫觀書 1.1.1 我更多上海 言

可以充選者至今未敢應的以此處之則逐無罪之王 業耳然事涉觀望則不敢舉某被詔合辟縣今兩人 也設欲辟官以代子毅既有著今便合衝罷不必誣以 吏部差注之官必有主名或訴于朝即或訴于部即萬 兵官用闕則造言之妄可不攻而破也至如朝廷堂除 罪也今奏乞添差則不必逐子毅子毅罷後其未當辟 出于流言試以其所辟之官恭考所聞真妄自見矣 廷命守臣為士非以為恩也益欲舉所知以共圖職 無

艾 多故祖許成產風俗大壞真甚今日尊為天子產姦造 治 士傅等不敢卻所以拜拒命之詩低回固避內愧平 言投風便成動搖之謀居下弘上堂陸陵夷無復尊 弘激怒軍士固當不安其位矣貴為大臣一安男子片 孤任使失職廢法妨礙賢者之路其之罪在此時事 雖贓行狼籍吏民交訴監司按發如張永嗣等不敢 毅又拒差注之官此何理也然自紛紅以来種種懲 所以避用闕之嫌州縣官瑜年不赴于法當罷如趙 為是召士係

飾 貴貴之法告朝廷自壞以至于此某起于罪籍衆於未 多定四月全世 私義有不得已者須至投献上訴其自念平生居心不 造伏望釣慈早賜行 解以形本出于一大挠推遂屈于十夫若不亟問浸潤 既人投行之疑雖慈親有所不察今已具奏乞官觀差 遇某官不忘窮恆權領大邦已具懸辭又蒙貶賜誨 開讀恍然以榮為具方侯造官具啟事占謝而區區 與李少愚樞密書 卷十一

模稜超了目前改舊圖新以免悔春之各夫何軍兵之仰 在 净喜事妄作屢至怨悄斷自今日臨見吏民之後含糊 釋重負于邱山還奉真祠于香火南面稽首恭候愈音 莫如解去全璧而歸伏望樞密不忘夙昔力賜開陳伊 哨者數千人官吏之冗食者二百輩無錢無粮其勢有 不忍坐視嚴嚴枝痒又欲妄動以名聚怨重以行殿近 以相及而一 水毫種過疾無不暴陳如果資淺望輕能肯信服 州时用之所從出悉廢于更複敗壞界盡

化己司員 二

鴻魔居士集

流血干里夏秋之交飢疫相熏流屍不藏暴骨如積良 小盗因之城邑保聚焚荡一空生者罹炮烙刀鋸之禍 其自聞參改大用適在罪籍不敢輒通私書為左右之 田 死者紫新喪暴骨之辱割别孕婦割截兩乳以殺為婚 賀日者貪更暴恣侵漁間里民情洶洶其勢可憂輒恃 沃壤化為萬菜高門甲含聚為瓦礫此參政桑梓 日之雅誦其所聞參政少加意幸甚伏自大盗 與張全真參改書 入境 固

. うし **皆沒于盗而恭先被炮燔而死獨餘開先高氏歸宗之** 盗 已飽聞然州縣官吏無司存可居無獄訟可聽無職事 可為類皆挾吏卒持械操筆挺追跡盜賊所不至之處 不知人 | 賊無異如横林周恭先迪功與其弟 開先家四十口 人之原録人之秦鞭笞百姓執縛婦女所過騒然與 三十口與恭先家同時遇禍止一子得脫亂後病傷 年未淌十五縣吏催錢縛置空舍擊之幾死周滂奉 ; 縣吏至無應門者直入卧內曳其足而下之 馬克马上長

亂定处下寬恤之話以舒此無告之冤無何大盜殘 籔 舅皆耳熟焉得詳具以告他不能言也方金人在杭超 其将則許知微弟也橫林小井其舊所居守泰乃從之 鹰舍牛畜焚戮無遗止存父子三人而守泰不勝縣吏 兩日遂死又有朱字泰者武進都據大族也子女奴婢 時那人不堪苛暴誅求之害以手加額記之使来意其 迫促之苦遂赴水而死又有小井沈國章者若妻若 若婦若女若壻皆戮死所餘一幼子遂以雙丁入役

金少以后人

الما الما الما الما 税之類皆可罷可併大軍之後桑柘蕭條窮里空舍鞠 措具手足雜法與訛誇罵誀誹憤情不平之氣相顧而 之餘横敛益甚一郡百姓太守人人求索自便而無所 無 溝壑之中少寬怀迫不自即賴之意今州縣官寺簿書 挺而為盜區矣伏望私政哀憐加惠出此遺民于塗炭 不已則組粮棘於相聚而割吏以復仇怨吳中十州又 獄倉廪府庫皆無有如縣及簿曹樣官添差添監酒 所發忽聞下土豪糾集民兵之今此今已行而貪虐 為愛害士作 1

豈特惠此一方天下實被其賜 贓宜如太祖太宗之制胥吏輩取人一錢以上或持文 分グとなると言 除残伐虐之政爱民恤下之實望參政果斷而力行之 為草养如保正長之類又可減半而優為之法官吏坐 屬者輒博雅故敢薦所聞參改不以位貌為問賜之誨 具諭以收録甄叙之意發書三復感愧不可言某陳 輒至鄉村者並許告捕治以軍法此拯焚救尚之權 卷十

意 自 是屏棄衣冠而不敢服減徹酒內而不敢食藏去俸 幾大盜入境既保頭顱于一章之乗又全家室于五湖 外參政所見重以上方宵旰不敢遂圖便安顧賜 世矣建炎即改之初錢塘勤王之後獨先聚人力請補 肝 一件物逢世大亂雖多百惟所欠一死殆無意于人間 腦之禍則至煩言雖蒙聖察再以他罪罷去去郡未 阻雨州塗地獨為幸人豈復使求更生意外之望于 勃而非本志也去城守吳門今州人徒去愛戀以舒 馬起馬口具 郡

多好四四百百 激惟是明弟初得一官尚欲武吏願出于鑪鐘便辱 喜 沥 釣造施行受賜等也 王 一堂西清廷閣之寵豈敢更入夢哉重蒙鈞諭空知感 耕農漁釣之中漸為醉人推罵軸復自喜所謂金馬 不敢求請所願弭災厭難以盡餘年布衣葛展自放 小邑残破已不堪料理而 謝恭書意似未可必遂從劉鎮江求長與縣及之 卷十一 湖之隅去家稍便如蒙

十里一 從推領大邦奉記竦然以樂為懼竊以錢塘大兵之 伏紫恩紀貶賜誨飾開諭上恩終始録用之意還復侍 俗大壞州縣率用苞苴的厨傅以消弭口舌之禍今以 我姦賊招來商賈某雖疫懦追敢擇事 随宣和以来 汙壞不可變之俗必以陳養輕犯聚恤又致煩言上喧 罪戾之餘當行在走集之路以不能強勉之素性 朝煦所以不敢奔走造宫以奉韶古伏望祭政委曲 元の豆 たち 一空朝廷選用守帥必欲析循軍士安輯流亡 鴻變居士集 行 風

貪利又攘取于盜賊不入之家白畫攫金無所憚畏囚 騎大八吳人死者十九兵將為盗于外還不犯之境而 陸陵夷践踏無嫌此風不革未敢為門下賀也浙西敵 辭胃昧不勝皇恐 全該其所短且令依舊宫觀俟他日有所驅策更不敢 頃 質然靖康以選小人得志求而不獲則聚而弘上堂 聞執事召歸入祭大政國步與危正人登用可為天 與謝任伯祭政書 卷

宗率士兵具舟機大戰于湖心赤心将軍百餘騎雅 所 拘箠撻人不聊生咨嗟怨識而無所訴憤懑不平而 所懲义若但襲常蹈改格以常法怨歸朝廷利歸羣小 不急之官以行民力貪贓亡狀宜如祖宗之制庶義 發其獻書鄉泰論之詳矣凡今無州無縣之處可 可不察也某去秋寓居太湖馬跡一島之上散騎 知州事亦率僚吏聚粮退保山中而郭吉張順各攜 百艘乘時為盗四面攻圍其勢甚急是時巡檢鄧士 **烏是不生果** ナベ

朝廷不復記姓名為幸遽蒙記獎提領大邦恩罷薦 金云四百百十 竊為國家多故雖非臣子擇事之時而罪戾找閉正以 瑜月欲民速得為善之利也乃敢有言 境上者具中户知之今本州具功狀奏聞某又當親親 泉首軍門而無亡矢遺鏃之費是時摩偷震疊無敢過 斯事僭易胃浼欲望釣慈早賜施行司馬法曰軍賞不 于山上斬馘數千級湖水為之丹生獲渠魁張順柳 卷十一

这于建炎之末 两次遇圍以至國破強敵廢立二聖 必 康 而薄命者不可以共功名某憂患九死之餘謬當委寄 以榮為懼伏念某所稟賦至窮不可以共患難自靖 王室宜得者魔福艾之人如某凶我不祥宜宜復見進 誤使今不敢奔走造官以奉記古伏望泰改為社 **昔李廣才氣無雙尚以數竒流落不偶李勣逐將佐** 維楊倉猝之變沒江苗劉跋扈之師伏闕凡此變故 不經當今錢塘以輔藩為行朝抒祿遊遐守帥以 播

銀定四庫全書 大計不私一夫從容開陳追還成命且令待罪官觀 然造弘始則諷臺陳攻于上前終又結集不追訟于 書之意雖未拜即已極感藏某自銀姦贓之後羣小 勝懸禱邀切之至 相 即 府親信交謫以為板寫大壞草偷得志之秋也 此輩結為嫉恨以自取辱于是釋然大悟日真報能 日秋暑恭惟釣候萬福張湖州過郡具言左右欲致 與鄭至剛樞密書 老: 何告 紛

大盗所攻無不破之城太尉所知也方蠟九書相随 房而去矣然後臺諫徐起而攻之以不能死守者為 之所知也至于城破公私之藏埽地盡矣少壯子女係 来如大旱望雲如坐塗炭焚溺之中而求援如此其急 两 **誅也豈不太甚哉湖西七州盗殘者五惟蘇湖尚存而** 也朝廷但坐視竊聴未當遣一旅之師往救此又太 介乎常潤抗秀之間羣盗相傳號金撲淌三年子兹 解而去彌時無所聞乃敢薦區區于左右靖康以來 傷題方士集 而 可

分方四月百言 幸南昌行殿似聞欲有所向孤壘愧然外無此蜉爐子 矣其竊料此邦人不能脱于虎狼垂涎之口矣今太母 官 以富人巨室金寶遠徙而藏之底幾可舒一路之禍 媒孽以聲者不察羣起而和之遂至煩言其聞之但深 藏之期至不如今乃録入官今下之後一二怨仇隨而 禍 之援中無強将勝兵制干里之衝何恃而能存意欲盡 福而計其後率以為便然後揭榜給一季之限伊 之日大家造請而與之謀又盡名一府之豪傑諭 卷十一 到 善

朝廷所以待之之具防江而以防江之夫追素練之兵 嗟而屢嘆也近者傳探金人治舟概于淮陽徐四之間 率游手烏合耳無事冗食有事散去為盗與靖康防河 他 殘壞行數千里之選胃一江之險周走五州失其所圖 無異也制置使自陳彦文四易而用王義叔以樞密以 くこうし 親戚之家一旦巨盗長驅無所擄掠如杭潤常秀已經 日遂無以激使其聚底幾可以休息且京師大原定 如何今空一城之所有盡使富民徒金實于四夷逐 111 鳥愛居士集

司 盗至矣使之徙避于無事之時議者以為不可乃欲銅 金ダロールノニー 統制者發卒收搜捕白挺紛然直入問里蔑視守帥 武天下號為金城湯池也平江一障所謂螻蟻之垤耳 布禀宣撫處置司縱造戍卒来還割下本府收管而陳 所屬追述而軍前輔遣使卒入他郡追取逃亡不經官 留之以待其来盡舉而遺之豈不誤哉更有一事又當 入無人之境前此未有也借如朝廷名捕罪人亦須 圍捕歐打問巷驚呼白畫圖户此大亂之漸也又况

即) 當具啟見謝計已撤聞屬者詔書起一 宫祠避賢者路邱山之恵不敢忘也 ·皮外有所為以副朝廷責任之意太尉為開陳改除 将先已起人數通計 非逃卒宣撫司既縱之統制官又捕之州縣無所商 而不免分析其人微望輕承乏大府救過不暇安能 秋暑尚炎恭惟台候萬福某投畀小邦 和州與提刑胡獻可書 鳥更る士子 本輳發起壽州團結今蒙使 半禁兵本 遂托餘庇 Ŧ 用

造兵未選朝廷豈復一 多近四 見也獨和州未回而復有起發半兵之命某竊詳記 揚楚滁泗之兵相繼放還旌旗舟機厳空而下其所親 司牒問于手站有無遺戾承命皇恐其三月出都時 所 美近報者海州盗起都旁皆驚日来本州王慶家又 以存留一半之意謂東南亦不可無備函雖本州 三里之城下臨大江止有肚武一指揮又通公江 土軍書擇位使可使者超軍前所餘癃老懦怯已過 四位書 開坐遂併計為一半應記宴 所 四

九己可見公子 明 即 按臨之後車騎出境未遠所判訴牒十數悉取案贖子 而餘兵緩急雖不足盡恃庶幾為馬不然有司何置占 各不遣上煩程督之嚴仗望提刑即中垂意消察本州 所起半兵似於詔旨無害所存餘卒或能消厭未刑之 有數人叔趣財物而去區區之意記兵既足以應詔命 日新秋乍凉伏惟台候萬福某到官之初正遇使臺 和州與運使陳靖直書 人獨受公賜也僭易死罪 鴻慶居士集

然尋取案考驗仍實久債彭氏屋彭氏欲賣仍所居治 喪而仍垂具急留執照狀又不酬價彭氏趣令即偷 獨 問賃户者趙守為勘決兩牙人以慰其意而交易中 本州人吏李侃之母一 恨名鄰比造雨傘人攝政者成合仍遂訟于前守趙 凡累政不決之訟鉗口無告之第一旦獲吐申而去 銀并乞治牙人不批問之罪而州司檢准賣買係法 既州典主人非親房只是賃户豈有業主出賣而批 **牒與軍便所判其初讀之信** 素

卷十

斷牙人令仍成合本州深欲奉行而典賣法既無合 問債户之文惟浮造數樣屋守占壓業主地步猶 文 ,附會同深合柱之法而續降亦已衝吹侃母妄訴 使司 破夫為郡太守至決捷無事以慰塞稱吏可見官 侃殊不淌遂今母投牒訴于使司使司指揮更令勘 ī 既不交素又不還房錢拖延衛月不 詞 į 舌甚厲調本州淹緊不結絕具獄官職位姓 所與不敢勾勘止撻侃令起行自結斷後申 1.1. 鶴慶居士集 了忽蒙判 可

金分四四年 書 使司未當取索見究兩訟之曲直而遽咎獄吏益見 左 依法依條 之恐非使司責望 詞能幾足以管誤視脈如此竊調部刺史一言足 且委通判惟結承命震恐然此細事六月中本州 右所親見也 無已遁去使司投牒人吏離役輛遠去數百里聞 **竦動十城之具而婚田之訟若只據一夫之說而** 勘結了當今五十日矣自是李侃抗拒 所謂淹察者誰乎所索獄官職位姓 州縣奉法循理之意運使宜更 卷十一 不

とこうえ 至 閲 問 劾 **카**] 此紛紛蓋欲祖習吏強之態而行其訴也某治此事 使司大不以為然尋欲雙然自反終是賃户不應批 不曾真情見趙守決二牙人以慰答侃意頗宽之氏 運使指揮豈敢後議殺吏馮籍凌駕州縣得申無 只以前 侃竟而郡人翕然稱快運使親舊在此可問而知 所陳設仍所陳不應法乞從使司獨斷州郡弟奉行 縣人吏詞尚有理安有經兩政而 7.15 H 所 勘結中間萬一 鴻慶居士集 果欲右侃只乞取案 不得直者所 主 不

縣之罪以勸來者曆易死罪 之說居官者何所指手足不爾即乞稍正光猾妄訴州 あるといとノい 鴻慶居士集卷十

欽定四庫

集部

鴻慶居士集卷十二

詳校官右中九臣薩 歌

主事臣呂雲棟覆勘 總校官降調編修臣倉

校對官編修臣係立 張 湖流

聖

脉

棕

謄

録監生臣

て・ラシ 7.1. 某編閱三過何即如之具審即日初 鸡爱居士集 陋寡聞不知官簿所在日 **香省候伏辱遣騎賜答高** 宋 孫觏 撰

風 専門名家大為短章或膾炙士大夫之口或淪廢于兵 暑台候萬福某又蒙馳賜百家新選一集發函開讀 言少者數十言其人出處動静詞格高下盛德之士高 火幾亡而僅存蒐攬大略盡矣而詩引所載多者數百 得所未聞則拊體爵躍讀之惟恐盡也歐陽公集古録 云物常聚于所好而得于有力之強如好之無力有力 絕塵師表一世放臣逐客與微託遠屬思干里與夫 不好母真能致也宋與二百年宗公巨儒縣人墨客

後能一 該靡不畢載集古録又云惟世之貪者無欲于其中然 こうこ 某學迁才批不為世畸人區區小技如脂鼠然不 不能休不謂投老殘年複親奇勝幸甚過望不可言也 山蠟家刻方言地志怪奇可喜之群產嘲聚山戲笑之 鄭國尺寸之意比讀新著而私意粗亦有合者秦少游 所見不復讀讀未見者每遇佳處或一再讀或三復而 云曾子固文章妙絕古今而有弱者剩不工此語 其所好追不信矣夫某竊讀諸引之後其詩舊 -鸡爱居士徒 可出

高才老更剛雪詩平治險穢非無德潤澤焦枯實有才 天下遂以為口實南豊作李白引以謂園肆瑰璋非 金グログノーモ 此 謂功父天才超逸更當約以古詩之法乎南豐論詩 某所以不喻其言也荆公竹詩人言直節生来瘦自 功父詩而南豐不謂然功父疑之荆公曰豈非子固 世驗人所可及而連類引義中法度者寡荆公母稱郭 金顏楊諸詩皆卓然有濟世之用而世人便謂不能詩 如兵間一詩指徐得占論交一詩指召吉甫又有 表 所 許 ist

最善張文潛晚年詩不見前作意謂亦效白公者荆公 微其後再送李璋下第和冲鄉雪詩比少作如天淵 傳誦然非佳句公詩至知制詔乃盡善歸蔣山乃造精 陷 述清が老言文潛晚喜白公詩信乎如所料也東坡論 送季璋下第才如吾子何憂失命屬天公不可猜世人 詩精能之至乃造平淡如佛說蜜中邊昏甜若中 詩巴不逮諸公北歸後效白公體益不逮惟四字詩 也白公詩所謂辭達大抵能道意之所欲言者蘇黃 Ĺ 寫髮匠士作

舍 邊皆枯淡亦何用陶詩外枯而中腴岩淡而實美也公 謂徐師川晚年務造平淡中不如少年精巧益平淡不 非 仁作江西宗派流云宗派固有次第陳無已本學杜子 可 宗派贬之于祖可如壁之下師川固當不平然惠洪偽 為水落石出自見涯溪非積而至之不能到也日居 其派請康末日舜圖作中憲居仁遇師川于實梵佛 後受知于曾南豐自言向来一辦香敬為會 極口詢罵其新于廣座中居仁係首不敢出一語故

夏守泗時以酥酒遺東坡答詩云闢石土酥黄似酒 **邁發芳辛製地黃法當用蜜與薑而用櫻桃可乎黃師** 崖蜜為櫻桃又有俗子假東坡名注杜詩云金城王蘇 盡 在 以苔属為辱東坡橄欖詩云已輸崖蜜十州甜惠洪 與恵洪為類此人不可晚者冷齊夜語載秀老一事某 作魯直贈詩云氣爽絕類徐師川 如練為蘆菔根者東坡地黄詩云崖密助井冷山 江西時惡其狂誕無稽坐客皆憮然此僧中奴固 THE STATE OF THE S 師川喜以為是不免 不

州雲液却如酥調土酥為蘆厳根可乎公著論斥其妄 多分四月有書 畓 **晁無谷廖明界諸公已推重于幼學之初而一時名勝** 次詳實尊賢樂善得詩人本意歎仰之餘又見曾存之 良有益于後人耳目也其觀其公叙諸詩詞旨温麗紀 拜賜凡六日 元暉殆是子美詩中黃四娘者耶然元龍詩殊有可觀 都都平文我又待入紅魔迎矣即發千里一笑其自 其傷 匹 然後知公致力于斯文父矣如曹元寵米 讀盡所著五十九卷與拾遺詩話一卷而

台候萬福某年過七十門內多故幼妹逝去方攜兒姪 石 枉 後修書拜送使者尚當細讀別具記不宣 違為更年載即心故人之側惟存難忘之念欲致一 其家悼念未衰舍弟亦遇疾不可憂釁傷生鬚髮盡 臨視定封而大妹計音忽至大雪中見省其喪又 **酶函存録之厚慰籍累紙以愧以喜具審即日秋暑** 公典州在數千里外其亦窮處一 與蘇季文書 Mar if the Charles 涯但有此心耳忽 經

多好四月全書 白重以同産零落殆盡顧影歸然獨存殊不知有生之 言 惟讀東坡先生之文竟一篇則心目開通秋陽賦所 可願 其樂益如此也先生以和陶詩屬黄門云吾將集而録 如 之以遗後之君子某置力于斯文五十年矣至是得 醉而醒如瘖而鳴如痿而起行如還故鄉初見父兄 簽初謂先生遗文之未刻者揭簽乃西臺澗上之文 白 縣識其奇趣亦底幾後之君子之一助蒙賜書 也問從事佛書照了諸妄而根器頑鈍竟無所得 巻ナノ 謂

召試玉堂翰蘇公推為第一天下服蘇公之英鑒則是 待得一果仲游而後天下服也潤上叙云文忠公既薨 則是天下未知仲游知仲游自公始也一叙大率賴此 拜贶欣感雖未能細讀異時當窺見一 天下先知仲游而後公知之也又云朝廷用公自兹始 上之作雜置東坡詩文中則大全集廣本皆是物也豈 天下人物之評如懸一劍于庭胡現漢現皆不能逃宣 二巨公亦下世而後有澗上丈人談何容易試以澗 斑矣西臺叙云

於定四事全書 一

鴻慶居士非

李邦直集叙謂文忠公云李清臣文似蘇而議論過之讀之 任伯参未透耳未可以口舌爭也一笑而罷後十年任伯作 其倫責備賢者徒為二公之累某在京師時當過謝任 伯見夏均父在坐紛然問其故均父曰唐有韓昌黎宋 不重貽續貂之前西臺澗上固名士而推稱大過假非 頸發赤競競不已其曰東坡雄奇如韓公辨博如孟子 有蘇東坡是一流人也任伯摇首不然之均父愠怒面 駭不已昔先生初第時以書見梅聖俞論貧賤富貴之樂

避 九三日百 八時 管仲晏子而巳即因書發公一笑 欺文章如金玉自有定價先後進相汲引因其言以信 于世則有之矣至于品題高下當付之衆口決非一夫 聖俞持示文忠文忠答云讀蘇某書不覺汗出老夫當 肵 集中不知任伯何所據而云先生言世間名實不可 能抑揚今三似引殆是出于一夫之口所謂齊人 路放他出一頭地也天下傳誦以為口實今尚載居 鴻慶居士集

脊華終日峻鞭朴責財謝夜則厚飲倡優之家而瘦 闖 者梯牆曳出之其家裏飯食之已四日猶未知其死 送 **-**Juz 之為之酸鼻食不下咽烟舊赴微禄来别置酒具飲 益甚一人犯法連速數十人多至百餘人獄官漫不省 斷 舜節少留季文可以行其所知也其守審時獄官 示 迎問造二微親慮之必盡得情狀乃決遣近時盡 公移湖憲此微拜之漸未敢賀也江 結罪人武摘一二聞之往往左右視不能對每因 湖去朝廷遠矣 毎 閗 弊 死

Ë

巳在相公包荒納汙之地矣恭惟太上皇御極三紀 紫賜矣先生盛德固已廟食百世更益以于公之報福 日斷自聖心追述堯舜禅讓于數千載之後新天子踐 數而詳告之以為偷一日之安而縱吏賊害無辜必為 某去國四十年雖無門下平生之素而投老待盡之身 禄之来可勝計耶 子孫無窮之累季文作吏自有家法計不容此輩一 史相書 鸡慶居士保

生 聖制之所褒揚而縉紳秉筆之士道古今而譽盛德者 作大丞相登庸感會干齡新進一旦得時得位自己 亦 死哀無一人以誤國得罪者于是好勝樂禍之人朋 公試垂意觀之某伏見靖康之變二聖播遷中原陷沒 八葉皇族一百州生靈皆被其毒而御營使切塞大學 泉相師成風投袂斫掌頭躍用兵或欲折尺筆答 巴畢陳于前某縣萬一 伏闕廟堂諸公拱手坐視其成此禍高官大職生祭 得之應庶幾有補于萬分相 附

金牙四四石百言

背或欲請長纓曳其頸或草檄書肆罵或折辱其使者 聚財輸納賄賂可以營廢田矣當廣募耕種之夫可以 穀待其富皆國家閥暇無事之所為非一朝夕之所能 憂赤子肝腦塗地之害又煩人主屈以遣使尋盟有司 任其禍者夫強弱聚寡之勢如東西黑白三尺童子皆 以快一時之情豈不快哉而激怒強敵挑發兵端誰當 知之矣度長絜大惟有南北解仇可以舒君父宵旰之 銃卒其當歷遊驍勇之士教習器械待其精儲時 寫奏居士作

金岁四月白世 莫大之憂非以為寵也皆項羽背義帝之約王沛公于 日之禍未必及己故不若雷同附和寄之後人今者相 之一人毀去之泛泛然如寄客視吾身且不能自保安 辦而當政用事者多以次遷序進無得君者一人譽用 所 能拂聚人之情来易至之责待未至之功也又自度 加舉世非之何所損倚任之重吃若柱石不可提動 公以潜藩之舊為天子股肱心齊之臣舉世譽之何 謂寄之後人者相公當之矣所以啟事所陳以為

近年日華全等 四 漢中諸將昏怒請戰獨蕭何曰雖王漢中之惡不猶愈 鋒而不知減楚之計已定于此一隅之地矣知彼知 使連英布分地王彭越垓下之圍三將併力遂破楚有天 羽 死何為帝于是幡然趣駕漢中張良因勸燒絕棧道示 于死乎帝曰何猶乃死也何曰今兵不如百戰百敗不 下自今觀之遷蜀燒後人見其趙然卷甲遠去以避其 弱抗項羽亦明矣其後乃為翰信拜為上將良請遣 無西意當是時雖有蕭何之謀張良之志不能以為 鴻慶居士集

某自承侍御進直臺端雖喜聞大賢得路不敢率然上 善始善於謀國者固如是乎某老且死尚巍巍蘇其愚 及矣干胃威尊汗流至踵 、其族弟好修妻祝氏坟墓數步問好修家請以田 胃賣高明適百里中人華生訟墓田話臺投牒横 他日戎馬在郊大將忽有乗與視師之請則言之 誣某問之本未不免馳告今年六月華生欲差其妻 朱侍御書 無

本 遂 告示本處地方隣保俱未得分華氏興工動土聽候本 不許更給葬費亦不許忽有耕者云此户絕産非華田 文定り員在馬 華生更不擇日亦不斬草破土便舉妻極以葬而本處 縣定驗結絕而華生追縣放難云知縣與孫知録同官 也 好修家始請武進縣投狀乞追華氏田與照驗仍乞 稱習與孫知録同官有妨嫌牒縣丞索契定奪已而 州羣惡中把持州縣一人之數知縣馮百樂即時移 阻障其不得葬妻耶縣尹矍然而羣胥告言華生是 鴻慶居士集

華生户名亦不自輸納二稅田契內四至與縣籍又皆 産則可見墳墓侵害太守即時縱去送所司索契券乃 言 子被衰經徑趣州衛聰事號訴謂好修集聚止障安華 等人作證而華生稱皆已死亡又索縣籍只是絕産無 太守大怒即時追人好修自在楚州而弟好謀出對具 生鄰人所個省田已死絕數年須有牙僧保見書寫 上項因依且云委是華氏田誰敢指占如是胃占絕 保出示本縣約束件作一行人皆不敢下手華生諸

分りに

為過 拘 こうし 合約束候定奪如某以合名而任此咎也今公案具在 不同既無一人作證在縣籍又是户絕有司定作偽券 何敢輒議若是絕産官田得免侵犯作政在人情亦未 犬牙相入纍纍相望何可勝數好修家以謂是華氏田 元田不然入狀清買入只合訴耕者之妄及訴武進 不 收入官華生只合經諸司陳訴常州理斷不當給還 可考不誣也又況鄉州墳墓東家與西家數步內 如其七世祖下數十族非患難死喪義當救援 寫髮匠士集

誰 金月四五 豈其所當預也而華生失計無賴鑿空造言巧發奇中 問感言路萬一不察送挂簡牘惟無辜横被中傷而小 非干請州縣規求賄賂二三畝田公私當以與券為證 吕憲以 與某亦數世婚姻宣和六年沈晦勝其備員來詳官于 人得申無理之訟開掘侵犯百種作踐州縣觀望莫敢 卷中取王洋與吕憲二人不為無契素可干預矣而 何其情只是如此今本路吕憲婦家常州胡氏胡氏 州郡所斷為非其去國三十年殿師之子楊提

某 聽不然衰老餘生不知所稅為矣 末擢任侍御史會靖康之變因論初塞誤國杖闕有 以忠厚正直為天下公議之主毎有風聞不主先言必 只據華氏狀斷還為非是謂某干預可乎某伏遇侍御 聚真偽為曲直故其得追大戾布露腹心間左右之 不獲已胃流尚有欲言者斬恃存眷武言之某宣和 不惟不識面亦不聞名而提舉人以憲司不索公案

多为四四百十 又論王黼誅死而召蔡京歸賜第等事疎養迁閣輕犯 部侍郎程振起居郎胡交修與其四人同撰而其下 衆怒故得罪于蔡李賓客尤甚淵聖幸青城虜人索表 朝與戎如此又卻回今作四六說來于是宰相何與刑 事君父在難不敢辭表去卻回要說南朝劫塞覆我軍 飛煩御草一表不可辭時某承之西校奏曰雖非其職 翰林學士开英傳皆稱病淵聖召某面諭曰朕歸心如 于鄰城我國遂如其說和二事以為大臣誤國致北

表去湖聖話端誠殿粘罕置酒五行是日大駕還內建 炎初上駐蹕維揚言官馬伸論某草表之罪上曰大臣 客乃胡寅所為也時何相與程下世父矣交修恐其他 誤國至此教他怎奈何幸蒙聖察後數年胡交修從台 바 曰今有該人長短如其人朋友親戚在坐則不敢該矣 有談父兄之短于子孫之前者小必遭詬罵大必致 来訪其日有誇公表中毀宗廟兩語却不是蔡孝賓 接引為証某曰衆愠在某不敢奉扳扳公何益修又 鴻慶居士集

論訴豈有人臣為人主作文而毀宗廟不待識者而後 薨朝 廷更化起廢之恩遠至遐裔 下及幽壤某始不忍 授宫觀宫觀秋淌不敢再乞上書納禄庶幾得許首邱 歸宿田里二十五年屏迹杜門無意于世間矣會秦相 明神宗皇帝史三經筆削安得謂之實録風俗之衰變 **乳黑白顛倒是非君父尚不免如某么麼何足道哉某** 知其不欲矣某曰宣仁太后婦人中堯舜至今誣誇未 以姓名久汙逐籍遂叫閣一鳴例蒙的洗甄復官資除

ダゼバル

然而思曰家有田不得為主人有死喪不得葬世間容 之顧奏續抵關門不遇國故忽聞華氏之訴惕然懼茫 府事已掉臂而選所謂有司反坐虚妄之罪皆不及馬 睚 有是事乎平生無事得誇種種類此某人微望輕素與 司所望結斷後侍御取索公案一觀倘有一言之妄某 不立而為世嫌之所加竊自愧歎而已今華牒已付憲 **此或借交報怨聚數日之粮挟一** 所逃罪只緣朝廷至近而小人習知風聞之說中懷 寫髮医士徒 紙之書徑造御史 ᄎ

艾豈某一人獨受大賜 倘因此時究見真妄使欺罔之徒中傷善良者稍知懲 管田已成百姓以為當盡減罷而轉運使方有續添 治營田出穀子以代大麥二年間先減半雜及今數年 可得三之一或用乳香或用官鈔或用見錢初付縣及 竊見馬料大麥為尚西之害項有轉運使以百姓為念 不知其故雜買馬料轉運司年年降本錢比私價 沈相書

こううし 縣之民安能任一軍之責自添知軍職兼官曹操官兵 害方推督時鞭笞流血重利取债破壞家産不可勝以 相公去此一害一方歡然欣戴盛德可以想見矣 多可罷無疑矣漕司何苦設此一端縱官吏為百姓之 年人卷之而去况誉田減半之後數年米數子之入愈 見江陰為軍常州失一縣之助不足道也而江陰 还偷盗又付知縣偷盗尤甚遂改通判通判成資之 · 13慶居士作

A TANK THE PERSON NAMED IN COLUMN 1 藏之用而官鹽百餘錢一斤終無一金之入軍江陰為 贾又各自立黨互相屠戮江水為丹軍城外公然賣鹽 金分四,周月百言 以為補耶去年温明州私鹽百餘艦往來江中殺掠商 十數員又增指使孔目官曹使散從官院虞候等數百 (而知軍公使庫則軍中一阱也和雅之罷久矣江陰 斤五十錢西上晉陵武進境上數十聚落皆食此鹽 不能罷僻在一隅監司未當到誅求百端不可毛奉 排小河西巡檢兵反販賣於菜雜葡為賣鹽家淹

賜耳 行之不疑如罷軍為縣但胥輩不便而百姓有更生之 可見無補大抵更法立制必權利害輕重利多害力 寫是苦士原

金元四四百十 鴻慶居士集卷十二

英足四華全書 啊 欽定四庫全書 恭惟狀元學士學無不通而深邃于歷文皆己出而 子與見晚之歎諸儒艷稽古之榮岩穴争光縉神殊慕 鴻慶居士集卷十三 金馬門之詔首冠殊科論石深問之經進膺禄寵 啟 回沈状元啟 為慶居士集 孫觏 撰 E)

唱 雖萬人吾往矣豈特掉三寸之舌于九十之中借前著 得之心偶 勤長者之車報書名淡墨又陪學士之堵牆殆兹貴名 價縣增舉庫驚北其之空擊水運南溟之化固大丈夫 以籌之故能知一日之差在八百年之後奏篇稱善楮 所以自期者當如此豈妄男子出于嘗武而幸得之臚 傳養聲四出其服膺滋久快親宜先竄迹窮問屢 何姐郵命流傳之速同時流輩自笑槍榆决 一時困刀筆于吏前不崇朝動聲名于天下

分りせんだって

言 起之耳晚咸功名行見松柏後凋之操特迁鞭馭趣况 念其早出寒鄉首陪諸彦天資椎鈍豈有能為官牒推 移遂至于此俄值纂承之慶丕昭籲俊之公十亂與周 百謫巳盈難逭默幽之典一麾而去猶分共理之符伏 變 輔舜逢辰千載敢忘魏公子之心多罪百惟妄有 **縢漂高義以卓然愧勞謹之過矣第深竦歉莫究願** 和州謝宰執放 為是否士徒

医牙凹丹丘霍 末平生所願投老徒從自愧無奇遂占陽城惟科之考 心如用鑑亦何有于将迎致兹罪戾之餘尚玷使今之 則道體為公天下之勢猶持衛本無私于輕重至人之 獲送息肩之所寧復爭先收路志干里于伏概之間所願 科更索長民之寄松根在望雞犬相開倘因坐嘯之餘 齊虞人之志立仗之鳴奚補集枯之計甚疎拔手覆羹 信是五窮之阨下機投杼豈無三至之信遽開使過之 假須臾巢一枝于深林之上兹益伏遇其官應時作 卷十三

庶幾未死及見鄭公仁義之行 東海之洋十年堂敦景星之都一 民職足已起許追然于十偶豹章甚蔚尚窺見于 多傷猶幸伐柯之未遠恭惟交代其官忠純許國愷悌宜 眷言准海之邦人屈雲霄之步盡歸帝所用副師言奔 逸絕塵莫繼大賢之獨優游卒歲敢忘後事之師 · . . .) i 回謝交代放 回通判啟 Cuta Ed 鴻慶居士集 日争先甚虞製錦之 斑

從盡索形骸之外庶無大過以迄終更 寄不有指縱之自敢圖卧理之安恭惟某官循良干里 請上方之劍豈堪老病之餘分竹使之符遂玷承宣之 干人一臠可知會屬壓于五鼎恭惟其官高情拔俗妙 補 之師磊落萬人之傑代柯取則幸同聲氣之求傾蓋相 先借譽于書詞尚記承顏于疇告三毛殊勝識小異于 劇息照但切歸田之意找問置散尚何守土之謀 很 回教授改

萬夫名超四海特立挺咸寒之操先遊之左右之容舉 瞑眩以補過惩倘使灌夫獲萬金之良樂更今安世誦 回之意深切仰高之素未降既見之心恭惟某官傑出 三篋之亡書喜愧交懷占言難盡 **嘘枯渾然深厚爾雅之文信矣直該多聞之友方求** 斷斷今無有矣抱關碌碌未免何哉盡光召節之行 符出守奉部趣行方循牆罄開命之恭而移文有勒 回監稅范學士啟 鸡爱医士侠

金分四四百世 退飛而過宋良深感懸莫究頌言 勞之父盍先召節之行聖主與嗟何相見之晚也聲 肯蔡恢然遊刃之餘受命歲寒梃若後凋之操眷此賢 頑 入奉受釐之對誰光下燭屈高論于借泰興盡欲還 相老未當過而問焉 麾出守根分千里之憂十國為連更托二天之庇跡 何幸放快交懷恭惟其官望冠時髦心存帝室奏刀 謝監司啟

萬 とこりる 恢遊刃于研刀遂許借明于隣燭恭惟其官五公世胄 省户同升早接俊遊之末山城盡諾又聞謡頌之餘方 包茅不入敢加問楚之師唇齒相依自作全虞之計 存願欲命千里之駕而未能遽先馳一介之書而見寵 明 制関煩便蕃均供三刀夢協方於干騎之臨一節 石家傳滄海之遺珠靈光獨耀故國之喬木風烈尚 謝 回無為知軍張徹散改 准西鈴轄陳御改 \. E7 Ų 灣慶居士集

馳已見百城之聳先聲所暨比屋交徵恭惟其官弘毅 究名言 懷喜愠之心滕大夫之才自笑功名之戒深深感戀莫 求不有君子其能國子又付来思之望其極遲未路投 今榜昔稿左餐右粥類非俗吏之所為也首曆兵理之 石家傅具載世臣之到暫挺周行之峻来蘇淮右之民 裕于大方忱怕想于聚行五朝齊美獨高國士之風萬 界小邦仰戴二天之仁辱先一日之雅楚令尹之仕敢

驚懼之不入久厭粉聞之直来班早益之香坐芳舍于 黄 硎 堂陰借餘光于隣燭伐柯未遠居慚非和郢之音擊标 俯遠榮愧交懷恭惟其官識洞陽秋名高月旦刃 (堂坐嘯潤雪九里之餘記室占詞妙絕五雲之體 聞寧復有奔秦之盗其為幸會其究名言 あ 平江谢宰執啟 迎 回舒守王郎中啟 解雖收經肯於之未當車醉堡而獨全益生死 寫是医士法 謙 狡

定三秦于傅檄之中其骯髒餘生漂流棄物方上聖宵 多为四月月月 策必欲係單于之頭豈容賈傅之空言尚當安會稽之 儒築壇先登故得大將用能排六國于借箸之日亦 厚雄大狀閱潤之功一洗尋常之 陋滔冠仍見安用腐 實不可亂真而流俗之爱憎寧能害正時惟真主盡樂 尺五之天而遠矣舒丈二之組而去馬獨以天下之名 抗章避寵願至延閣之華賜礼疏榮誤玷名城之寄望 有為之日正衆賢配為不足之時仍記疫為上勘鞭 獀

誅已備藩維之托恭惟其官得君于三顧拔士于一言 埽君相之舍早貪附驥之紫分刺史之符俯愧續豹之 懷于百年熙治之係民力困于一夫貪啉之後浙刀頭 彰民勞遂承人乏惟姑蘇之故 壤實具會之與區軍政 之米莫喻其危瞻屋上之爲底幾自免 宜用陶公之大計審難自劾竊幸退藏方虞通慢之 行舜超獨見質非之陋柴愚參魯盡歸器使之宜深 ī 回交代趙大監故 1. 1. 寫奏匠士集

恩恭惟其官明習憲章通達國體千里之職足尚淹 奉記趣選正衰晚卧疴之日抗章避寵疏便藩均佚之 竈進陪夜席之前狼以孤蹤遂維前獨韓荆州一面已 大慰于风心楚令尹告新當率由于舊費 韵恭惟交代其官赫爽五公之曹循良千里之師解 二牛為遊刃有餘取三百困而食功無愧亟奉璽書之 九霄之鵬翮行遂培風不圖起廢之蹤居有借明之 回通判章朝散改 伏

葢 挽矜憐之意憩甘棠而思召伯深愧前修避正堂以 篇稱善佇膺詔獎歸覲清光某以流離衰貧之餘荷推 解十二牛而遊刃有餘文推四海之中草三十牘而奉 符恭惟某官直諒而多聞弘毅而任重智出萬夫之傑 招虞人之旌敢有不回之節懷會稽之組猶分共理之 助多多益辨方觀遊刃之餘碌碌無奇豈恨代柯之遠 公底聞治道 7 與寄居侍從改 鴻慶居士集

義輕王候視浮雲之何有方傳聲于十國已托庇于 欣竦交懷占言難盡 視草西垣恩禁避席分符南服詔許偷安恭惟其官心 视草西垣屢抗投閒之請分符南服更切共理之求 天豺虎未除稍貸狐狸之問山林不採庶全藜藿之生 而行高才全而德巨言語妙天下知白雪而欲無道 與范運使改 與憐郡太守啟

燈分隣壁之光九里借洪河之潤時惟幸會良激惟宗 とこうっき 恭惟某官文章邦國之華器業岩廊之具公車幕召發 較實好之焦勞者求慈惠之師增重藩維之托顧惟末 妙幹于一言帝席夜前望紫光于三接屬干戈之俶擾 路獲附餘輝唇齒相視以為安藜藿何憂乎見采望而 見者此如制水之防求則得之毋害乞醢之直 礼流闻大慰雲霓之望十城鶯竦佇瞻繡谷之光恭 賀陳漕啟 1. ti 鸿慶居士集

背于九霄之路析秋毫于百戰之場攬轡車中應年始 惟其官夙擅其孔干里之稱時推斗南萬人之傑培風 俯 國 将繋矣埋輪道上狐狸何足筭焉某老病守藩踩慵負 負罪投間家恩起發惟錢塘之巨鎮實行殿之陪京累 **謾索太倉之栗無補縣官空餘凋轍之魚以俟君子** 深欣頌莫究名言 涵濡比屋盡干金之子摩光稱亂頻年為百戰之場 上宰相辭臨安啟

金ダセンル

恩 居 恵之師上體惻怛哀於之意伏念某崎嶇兵亂屏膩 雞犬不鳴人牛俱喪污菜無沒疾病呻吟宜得循良慈 膝 馬勃之求而驅去復還幾類狗尚蠅替之態實難通 聞 上副使今傾倒 恕 沟沟便有性命之憂豈復替營更思富貴之樂敢 獨立于風波不測之淵恐不脱于鮫駕垂延之口 之陳尚未填溝壑之間 ī 孤蹤 擢真從班切塵皆府雖無收並當不廢斗 闗 忧亟上叩閣之請恢崇大惠付園造 思見るとま 猶能効大馬之報 圔

恢復中與登進廟堂參東大政其以門牆舊物未獲申 遠中州四海傅聞感涕交下漢蘇武節旄盡落止得 伏審參政正直質諸鬼神忠信行于蠻貊盡室航海 賜優容此生得全襟樗之形則他日敢忘蛇雀之報 強敵到質之中盡得遠情于二江敗鄉之後膺受帝春 國 賀厦之私而蒲柳殘年方亚上籲天之請敢圖恩紀 唐杜甫麻鞋入見乃受拾遗未有如公獨狀忠義于 秦參政改 傳 曲

金元四年全書

卷十三

とこりえ 之愚無何妄作紛紛幾致益成括小有才之患自嬰嚴 非 灑埽真祠方適島居之願藩宣大屛遂分旰食之憂念 折衝四方冠益之路所從敢言卧談退循涯分深積 較記鄰電以隆名付之方面一時盗賊之徒猶在 已分歸耕偶未遠于迷途遂復還于故我不圖流落 擇事之時莫致籲天之乞其跟庸少與狂狷妄行逢 不祥達己交疾所願全生碌碌以効窜武子不可 回宰執政 鴻慶居士集

屏 信故毫髮之善不遺顧此衰殘尚叨器使惟是會稽 競惶此伏遇其官觀過知仁求人用舊以權衡之平 卧 但有賜骸骨而歸卒伍之意終期大造曲遂私誠 之威未解殆非筋傳厨以稱使客之時大馬之力已疲 師之次近在錢塘一水之間聚口難調十手所指兵火 不圖 漳濱之疾久待盡于窮閥復應門之跨遽既祭于巨 與交代李待制啟 晚節發並英遊恭惟交代其官儒學甘泉之從

見思尚爱甘常而勿翦挺一德始終之操見三朝進退 故舊伐木之仁重义要投膠之契布帛之温言曲借桑 衰晚卧疴久逃空谷誤恩起廢尚軫遗簪伏遇某官敦 臣悃恬東京之循吏才高難用已憂大勢之不容去後 榆 之間猥以庸虚遂相先後故將軍起廢追有能為舊今 . こりえ 尹告新庶無大悔 之暮景增光袖手旁觀將見汗顏之斷伐柯取則底 回謝通判改 1.1. 鴻慶居士集

屢 收坐嘯之功 金好四屋石膏 遇某官推心不愧于古人為義獨高于流俗交情可見 **國晚節獲附餘光喜滋情恒望踰意表念漂零之久方** 屏赋一隅幸孤生之永乘蕃宣大屏追衰病之能堪伏 與遠樹三匝之悲扮疲瘵之餘更賴中流一壺之賜 動長者車轍之臨宿恵不忘自有故人絲袍之意不 與宣撫使開府改 與運使曾顯誤啟

注安危之意有嚴制問之雄布寬大之條根預殿邦之 塞制四夷之命師行席上敵在目中借著坐籌笑腐儒 九三丁四人 重登龍已久附職滋紫恭惟某官片言折干里之衝尺 峻嚴 瞻之望恭幸為之不采庶全 樗散之生 之敗事挨戈下拜識吾父而自歸以一身進退之間為 修香火之因父退安于散地奉里書之寵遽叨復于 天下安危之緊不圖晚節獲預榮觀草木盡知其名益 與湖州守葛待制啟 鴻慶居士集

聯滿狀衰盡之餘沛岩恩成之重恭惟某官雄姿英發 裢 妙智光明覺干切而獨翔把一麾而坐嘯九萬里陪風 伏審光奉帝編肅將使指諫大夫伏蒲殿上方流三接 突之功欣頌之私占言難盡 金グロルノー 之祭部刺史理輸道中又見十連之鋒恭惟其官才高 之背豈有遗蹤十二車照乗之光殆無偏矚不圖晚遇 通隣封終日效顰空慕捧心之美一時聽酒會收徒 回謝劉漕龍圖啟

聯內問邃嚴之直本牛輓栗皆太倉紅腐之餘方覽勤 こうし 晚卧疴乃獨有二天之庇 于藩條好仰瞻于金節尺書起廢固已賢十部之臨衰 研 奉 于中宸行亚踏于近列益隆雅望允副師言某偶叨奉 膠于尺水始矢誤于問陳旋賦命于垂乾龍馬負圖 利真館方竊便安出殿大邦誤分憂寄顧夷傷之未 用道大不容撞干石之鐘而噎于寸莲駕萬斛之舟 謝徐漕改 寫整居士集

金牙四四百百 交欣恭惟其官雄深雅健而語有今音博大高明而 殿六師之次蒙左餐右粥之思制一時萬貨之權極南 伏審的發中處寵褒舊德持甘泉從臣之索首著籍于 欲通書而未果豈流問之敢先感頌之私占言難盡 西清佩會稽太守之章尚候籍于南服朝廷增重黨友 山東漸之境好府部與入親清光某以非才切塵巨庇 匪衰病之能堪恭惟其官望重本朝才高當世舉行 回平江守胡舍人除待制啟

ンとりをたち 伏審部發中宸寵還上宰兩兩凡泰符之象嚴嚴具維 亡近用风抱蓍龜之智昼依日月之光成陽奉錢獨廳 石之瞻八垓之遠遊未還上方勤于北固四國之流言 蕭富贵可量于其日敢意謙冲之過遽形流問之光開 風固已激衰懦之餘臨書莫能叙感藏之意 謂君子光亨之始金貂七葉教名已接于千齡門户 于相國滹沱豆粥先饋于公孫殆兹大人利見之辰是 賀宰相啟 Ų 鴻慶居士集 土五

金りせん 戡劉大懟與龍飛夾日之光酌斟化釣極鍊石補天之 塞天地而無害謀質鬼神而不疑踐歷三朝始終一 既息人皆好于東歸麻制甫傳中外交慶恭惟其官氣 巧爰出天將齊壇之節遂處左相鼎席之尊注想深柱 而造朝楊大庭而作命皇天悔禍啟周成王定縣而 石之憂來蘇僕雲霓之望詔音數下使即交馳趣鋒車 年遠人革心見郭令公投戈而下拜千八百諸侯之 ,歸于帝籍二十四中書之考獨冠于臣宗殷惠前 操 國 ŀ

(). I) ... /. LI **管膽訟愆方受一廛之托循牆避寵其申三命之恭 褸** 母于下機孰不疑于衆告援匹夫于擠壑終有賴于至 所宜竄迹于蟲蛇之侣尚容接武于鴛鴦之縣久贈燈 危機惟召平獨弔仰止大釣之播俯加隆履之矜走慈 于戎城遂崎嶇于兵亂雖談世事見王尊何憂而數蹈 新邦命中興可待與論所期某技盡五躬咎深百論 回宋發運放 鸡鬼居士集 太

兴理之符伏惟某官盛德矜愚至誠樂善軫門牆之舊 被造官登車問俗十萬家已墮無何之境二千石猶分 金万四人人一世 鴻慶居士集卷十三 尚追記行昔年悼江海之遺除久漂流于異路隆尺 體但藏去以為荣欣領之私占言難盡 起衰貧以增華戴二天之仁特於容之有素